

存

悔

齋

集

古今文章之運有一人振興必有一人繼乎其後如唐有昌黎
卽有李翱孫樵等爲之羽翼宋有廬陵卽有尹洙穆修之徒唱
和其聞孔子云德不孤必有鄰夫文章則亦有然者也

高宗朝南園文勤彭公以燕許大手筆供奉

內廷者數十年總持天下文章之柄維時萍鄉劉金門先生實
爲彭門入室弟子先生少稟異才年未及冠卽舉於鄉入京早
受業於彭氏之門後入翰林官編修不及二年卽超升學士凡
遇

朝廷有大著作無不與聞於其間其所學經史百家無不洞悉
其源流而於朝常國故尤所熟習凡

祖宗神功聖德皆言之鑿鑿可據尤熟於乾隆一代事跡當時

睿吟五萬

聖文盈千朝夕觀摩明辨而慎思之故於一時文治武功皆能
一一道其本末而於域外四裔山川夷險族類分合無不了然
爛熟於胸中文勤在時倚之若左右手也

純皇帝之初生也往時宮監相傳有誕降在熱河之說先生纂
修實錄定爲誕降在

雍和宮以

御製詩注爲證當時服其精當他人不及知其後

仁宗升遐大臣撰遺詔沿舊說之詒後知其誤至追改

詔書然後知先生史筆謹嚴非他人所及也先生所爲文博於
古通於今炳炳麟麟龍文虎脊直欲上追司馬班揚若唐之李

衛公宋之周益公世所稱臺閣文章者以先生方之不足多矣
文勤嘗病歐陽氏五代史之簡略欲如裴注三國之例補注之
未及成書臨沒以其稿付先生先生遂博采宋人載籍窮二十
年之心力續成完書今已授梓行世似此任重致遠之事非先
生其孰能之先生既沒令子元齡等輯其遺稿名曰存悔齋集
仍先生之所命名也謂余與先生交最深屬爲序因以此應其
命吳縣石韞玉

存悔齋集目錄

卷一

經進文

卷二

經進文

卷三

經進文

卷四

經進文

卷五

經進文

卷六

經進文

卷七

經進文

卷八

經進文

卷九

敕撰文

卷十

敕撰文

卷十一

雜體文

卷十二

雜體文

卷十三

經進詩

卷十四

經進詩

卷十五

古今體詩

卷十六

古今體詩

卷十七

古今體詩

卷十八

古今體詩

卷十九

古今體詩

卷二十

古今體詩

卷二十一

集杜詩

卷二十二

集杜詩

卷二十三

集杜詩

卷二十四

杜詩話

卷二十五

杜詩話

卷二十六

杜詩話

卷二十七

杜詩話

卷二十八

杜詩話

石吾師萍鄉宮保劉金門先生遺集先生著述綦富願不自收拾輒隨手散失詰詞元齡元恩元初元喜于叢

殘之餘掇輯寫錄彙此數大冊道光戊子元喜需次揚

州出以見授屬爲讎勘文藻竭一年之力始得編定庚

寅春先生歸道山文藻屢促付梓閱丙申夏工未蕪而

元喜遽歿迺以丁酉二月彘成文藻之始終是役者蓋

十年矣校字旣畢敬述緣起集首經進文八卷次

敕撰文二卷次雜體文二卷次經進詩二卷次古今

體詩六卷次集杜詩三卷次杜詩話五卷凡二十八卷

其試體詩賦別爲外集四卷附琴于後道光丁酉春二
月受業海甯楊文孫謹識

杏梅齋外集目錄

卷一

賦

卷二

賦

卷三

試體詩

卷四

試體詩

七言排律附

存悔齋集卷一

臣
劉鳳誥

經進文

殿試策

臣對臣聞萬幾澄萬慮之原五福肇五倫之敘稽易緯云天子繼天治物至尊之號也故經以法天者彰教史以法天者體元篤天之生才而慶敷髦士溥天之美利而澤被烝民憲天之成功而慎脩邦典所謂先道而後德德莫盛焉先德而後事事莫功焉者誠以訓守有常徵求可信崇儒則儲任使興利則紹平成定制則權衡今古春秋運斗樞曰上合皇極其施光明懿哉六籍用光千秋垂鑑羣材蔚起九澤安瀾而庶政之損益無不

胥臻於醇備也欽惟

皇帝陛下膺德位時之極盛闡文治道以立隆固已經蒼其精史綜其要士登其俊民厚其生而鉅典之修舉靡遺矣乃

勤求無逸兼聽並觀深思保泰之圖彌廣達聰之義進臣等於

廷而策之以析經旨定史論勵儒修興水利監古制之大端臣

從田間來弗能詮究其體要顧竊念濡承平之教澤忉

曼壽之昌期敢不敬陳所誦習者以効管窺蠡測之愚乎伏讀

制策有曰經旨與衍章句其顯而於諸經名數之詳畧考訂之

異同具徵其義此講求經學之盛軌也臣謹案三極彝訓其名

曰經易首乾元亨利貞而已括仁義禮智四德之蘊兼象以定

名則僅以爻著者五卦藏往以知來則可以數推者二十七卦

吉居一而謙六爻咸備缺一遂不能協有終之義觀變會通道
存乎此舜典有稱唐書有稱夏書義與堯典之稱虞書有別曰
克仁曰克誠曰恒性曰典學皆自商始前此未之聞洪範有考
定文未始不足以正錯簡詩名互見於禮及左傳多援引其篇
章謂十五國風乃斟酌序次固亦風之升降所繫然以兩相比
則周召邶鄘可云從類麟經首重書王其時月日之或闕或殊
皆仍其舊至如甲戌己丑則姑存其疑考工職冬官不悉合周
制中霤投壺遷廟毀廟論者謂可補儀禮之遺其說爲近若夫
夏小正周書時訓紀載各不侔要亦自成其爲月令耳我

皇上聖學淵源探討諸經之祕誠萬世習經者所共仰而每繹
御論所及闡發精微至粹至當眞足以訂諸儒釋經之訛謬矣

制策又曰史家屬辭比事出於春秋互文尤關考證而兼論羣史之得失臣聞古稱事經春秋史家編年所自昉也司馬遷以一人爲各代之史班固資之其以一人爲諸國之史者李延壽之南北史也沈約之宋書蕭子顯之齊書姚思廉之梁陳書魏收之北魏書李百藥之北齊書令狐德棻之北周書皆出一人隋書則成於數手矣新舊唐書五代史皆作而復修今薛居正五代史佚之且數百年而輯而成之良云幸矣若夫表羅古今志補前代漢末羣牧錯見國志典午載記間入魏書又其依書敘事之別有見耳

皇上智照千古於羣史必詳覈其是非折衷於大中至正之規御定通鑑三編辨正史家立言之妄凡言史者莫出其範圍矣

制策又曰士爲四民之倡朝廷登選將以備任使更以厚風俗此士氣之尤當奮興者也臣愚以爲士習之端辨於始進鄉舉里選之風古矣漢初以經學取士分賢良孝廉博士三科元朔間詔郡國以四科舉士如所云德行高妙志節清白盛稱得人故敦孝弟而重廉節以兩京之士爲最唐有秀士明經等科其以文取士之法至今循之其中糊名易書搜索之禁分路分額分卷分經皆爲防閑弊竇甄拔眞才起見然漢已有私改漆書文字之譏至唐尤甚鬻輪袍綠衣吏賂誚無窮卽盧照鄰駱賓王輩且爲主司裴行儉斥其浮躁况乎上請之說通榜之議曾何所取焉也乎

聖朝文治光昌士習亦勉相砥礪四書五經旣正其本業而韻

語策對均並試之所以覘其才而勗其責實者不已至歟

制策又以水利之大爲民生之至計而籌疏濬與隄防並用之
宜臣嘗考水利興於管子唐以前言水利者江河並重蓋水之
害除則水之利卽興如西北之渠川蜀之堰豫以下之隄沿江
沿海之塘皆水利地也禹貢無隄防字究之九川之奠不得不
於地徙流合鳩民力以醜之鬻之古人固善用其法若如陶莊
之引河逼溜以刷沙行之於塞金洲而東注舒暢亦如海塘之
築南北埭漲漸歸自然而柴石互相維持工皆鞏固仰賴
躬親相度指示機宜濱江濱海之民咸資樂利矣

制策又以鑑古必取宜今而臚舉數大典以示有可因有不可
泥者臣思古有邊防今不勞一卒古有馬政今不增一圉建辟

雍而不必郊外也崇養老而不拘醬餼也韶樂猶古音而樂章弗取其沿藉田猶古制而勞酒弗取其璪京察屏自陳之文而命官交讓之意行焉君德豈成就之益而

上御經筵講學之儀舉焉是惟

聖人久道慎修多聞師古乃臻斯盛爾若此者尊經以明道考史以成信士風端其趨向民業樂其安恬而煌煌乎庶政聿修所謂聖人作則必以天地爲本也伏願

皇上本莊敬日強之心運幾康時救之治士民交慶政教同符國家萬年景祚之長永無極矣臣草茅新進罔識忌諱干冒宸嚴不勝戰慄隕越之至臣謹對

擬劉向請封甘延壽陳湯疏並陳今日同不同

乾隆辛亥大考

臣向言臣竊見邳支單于暴慢不恭敢犯約束困辱使者實大負漢又連結康居王修怨烏孫數數侵擾罪莫大焉患莫甚焉陛下欲申威命以救安邊庭久矣前者都護延壽副校尉湯策慮効忠共誓禽滅議發城郭諸國兵及屯田吏士合四萬餘人部勒行陳進薄城下奮擊破之遂誅邳支而服其衆呼韓邪於時聞風歸義上書請朝稽首願備北藩唯上之令千歲之功成于旦夕萬里之外混一來同所謂昔有唐虞今有彊漢者延壽湯之言不其偉哉善將天討克固中國以成不世之勲舍是誰屬誠宜優賜封拜疏之爵土爰酬庸而厲節詎從抑厭轉議過儒類功罪之不明也者今延壽湯徒以媾介猶豫案驗非亶失

報天下惜之書曰功懋懋賞又曰功多有厚賞周官曰以庸制祿則民興功皆所以勸也然則記人之功忘人之過權其輕重而務制其宜延壽湯之不當挫廢若此豈非陛下所灼知者乎臣請宣美王命定地行賞依常惠鄭吉故事漢廷幸甚此劉向疏言之大畧也方漢元帝朝石顯用事是非倒置匡衡又狃書生之見固責延壽湯顛命不欲封元帝不決故向有此請論史者不能無遺憾焉臣伏讀

御定評鑑闡要於甘陳之功則予之而斥小儒紛紜之議煌煌聖訓允足以昭大公至正之規况我

朝統壹區宇式廓版圖四十九旗舊屬久安臣僕土爾扈特之衆不招自徠凡定準平回掃蕩兩金川諸役有功必賞微勞必

錄今之焜耀旂常圖形

紫光閣者孰不由

皇上乾綱獨斷備知人安民之哲有以策勵而成全之大小臣
工方欽服稟承之不暇尙安有如甘陳之所爲者乎

九有九如篇恭祝

皇上八旬萬壽

謹序

臣鳳誥言臣以西江下士備職詞館隨舞蹈之末恭祝我

皇上八旬萬萬壽臣敬仰

皇上膺位祿名之極盛而以

大壽統輯諸福保右

天命之純卽殫億兆人之誠莫効稱揚于萬一且悉京秭垓壤

之數曷闡其紀願循繹我

皇上之祇事

元穹馨承

三祀與夫紀

恩述

訓誦

錄裁章無逸以知依屢豐而勸稽普蠲賑貸鏐精五十五年中
之

邳德善政周洽萬寓皆從來求治者所孜孜而未遑若夫

睿謨覃敷徹徹彰柔剛之蘊

武成九奏竿遲速致信孚徠服者納降隸屬者綏順無不勞

不刊之書
一
肝宵之籌畫動協美全是以拓土二萬里而遙凡鑄銘紀績之
區多亥步所未之屆者至如

御文二集詩五集治與道所合并

講筵敷言書庫萃祕經發微而史惇實禮修器而樂訂音塞域
之設庠園璧車攻之泳澤

恩榜作人凡茲六度唐哉皇哉集

大文之成以宏德教實軼姚思姒命而上之以至

清蹕屢勤讓慶交舉

莅陪都者四

幸江浙者六而嵩而岱而臺麓瀛津山國聲呼水鄉恬景矧衍
天家五代之上祥叟讎三千之積算頻歲以見曾元告者躋期

頌告者察世同居告者拜

恩賚彌有加蓋天苞地符會萃時合罄頌禱之所弗及徧舉無弗徧者允爲軒轅甲子四千四百八十七年以來乍觀之鴻軌也茲者在廷儒臣在野憲老下及轅童衢叟情知窮于摹繪臚忭之不已而臣殖庠詞陋奚克揄揚

隆典申頌我

皇上萬萬年無疆之庥竊惟

聖哲天縱同文盛治久矣

鑒羣方之殊習

訂重譯之正音今集爰閭門者北踰額濟勒西底霍罕東朱蒙而南駱越奔走偕來懷風稱祝一視內地臣民其類不一其寫

愉誌慶則同其樸野或未能胥稱文言其歡誠則無不可通諸
體委以備謳誦斯又周官土訓象胥所弗具詳者矣爰爲原其
方俗貌其聲情時則有若蒙古回部安南朝鮮南掌緬甸以暨
金川臺灣之番衆呼圖克圖之化人復藉以誌臣欣幸之私綜
之曰九有九如篇釐之爲賦一爲詩一爲頌六爲集範一爲詞
三爲祝辭一爲鼓吹曲八爲謠四爲讚一謹拜手稽首以獻

蒙古塞宴賦

天臨四宇圓幕高張金韉日麗玉葉雲涼清商節物朔漠庭障
駝圖馳於廣野蒙古地馳驛皆以駝毳服集於賓行屬韃執役奉幣來王
皇帝方駐清暑之宮倚承華之蓋日隨月侍星拱辰會地匝周
廬天高行旆中施帳殿旁啟旌門三秋上塞

萬樹芳園

山莊張樞賜宴地

千二百騎之圍

蒙古每歲備圍以一千二百騎為例

四十

九旗之屬譜內扎薩克之藩盟多倫諾爾之族

喀爾喀部海西市駿

青海部

藏外熬茶

謂西藏熬茶為蒙古要務

員渠尚存衛拉

都爾伯特部

烏孫不限

羅義

土爾扈特部

霍碩

霍碩特部

生身

諸部未出痘者率曰生身

烏梁

烏梁海部

丁戶循扎

穆

蒙古古語謂路

以偕徠望伊縣

舊名布祜圖昂阿乾隆三十六年以衆蒙古全歸不遺一類因名伊縣略

猶漢語會歸意也

而競赴於是華茵錯還繡芾葳蕤響運行漏塵肅穹

帷酥凝特默

駝

酬熟和尼

羊

雞寒織屑牛裁調膈陳筵愷樂授

几威儀既羅三醴之馨爰做六閑之地駭谷鎗聲行空馬戲

進宴

時列名馬數百去羈羈用幼童馳之以鎗聲為節謹按

製塞宴四事詩具詳蒙古舊俗臣擬斯賦皆恭本

解題摩哩

馬綰髮積蘇

馬毛色

弛轡羈馱疊喬騰蹕犇墜解拉鐵

詩意及御

而發蹤躡浮雲而疾至只孫呈俗

只孫即蒙古所云積蘇御詩有只孫古俗想像中句

雖仍元人舊稱已

千解題正其誤

什榜樂名侑尊春風一曲朔吹全番

御詩解題指楊

萬里全番長笛橫腰鼓一曲春風出塞聲

句謂塞外樂曲名今俗所謂十番因此箏絃手語笳管脣翻

渾撥四之柱促火不思之節繁雁飛陰磧花落關門起舞則清

歌未闕轉喉則古韻猶存既乃壯士挽禱健兒揜袖布克爭雄

俗重相撲戲蒙古語謂布克與國語布庫同

廣場迸就踉蹌後先拚棋左右乍撒捩

而奮身俄踟躕而控首席次頡頏酒邊勝負

以厥爲負勝者少賜卮酒

焉執竿豪選教馳良家

馬三歲爲駝蒙古習教馳法驅生馬命子弟持尋丈竿繫革組其上以爲控繫

謂之騎額爾敏達驛

駝驢驢之萬錦冑駁鞫之千花追驥趨越放驛紛拏

泉寒城窟草淨塵沙馴毛龍與逸虎曳飛虹與流霞時也蕃長

扈班名王獻竿兒孫則卅次承

顏蒙古侍宴今皆

皇孫曾輩獻宴則自乾隆六年至五十四年已四十次屢見

賓客則九

御製詩

邊介雅物賚分紅

蒙古謂紅色爲物賚所獲獸多稱阿巴物賚巴見御製巴顏和樂行圍詩

恩袍映赭欣燕

頒三爵之同願

壽晉

萬年之嘏

回人底貢詩

皇圖開西濛

鴻化天方亶

慎德昭咸賓并包詎勤遠迤哉彼和通久釋厄魯限

厄魯特謂回人日和

通急呼

爲厄魯鄂圖爾玉茲

哈薩克左右部有三玉茲如衛拉特之稱其左部玉茲曰鄂圖爾

行國異

冷暖噶克又莫朶膜拜枝宛轉

回神樹名鄂博時引噶克又莫朶如蒙古鄂博過其下者必膜拜

初時請內附佉盧表誠懇五王康居封四駿阿特馬馬選阿比里

斯汗西駐塔什罕右部汗曰阿比里斯居其境西塔什罕城布魯鄂拓克布魯特東西部急呼

爲布魯回稱汗之部屬曰部拓克先後軍門款牛驅喀拉牛場羝呼哲楞羊圈

驛呈玉匕首寒芒月芽偃布哈爾迤東遊牧事豐衍布魯特內屬以布哈

爾東二十萬衆並供遊牧霍罕長四城霍罕亦布魯特種東爲焉爾噶朗帕又東爲安集延又東北那木干

爾西語辨帕爾西回語三種之一鶻斯鶻喀察海青海繡鞬致繚綰間獲龍

泉謂宋龍泉窯器材古盤色沈隱有來安集延靶握水晶短瑪爾噶朗

鄰那木干回語謂河河近送喜騰神驄拔達克山八駿馬之一名送喜驄傾心接素

坦汗名素爾坦沙急呼爲素坦寶刀錯斧函鋒銛瑩鶻眼小部博洛爾拔達克山

東利器秋毫斷長劔雙玉櫛佩之水可翦愛烏罕龍駒伯時畫

圖展命樵李公驪五馬法畫武庫開匣藏銀鏤雪舒卷痕

愛烏罕四駿見

御製詩

都天竺間

痕都斯坦為北印度交界見御製天竺五印度考說

喀嗎匠

國工善水磨

擎都丸

掌貨稅者

花跌架瓶盃平回回悉平境落盛圖版

乾隆二十四年回部

平

命纂輯皇輿西域圖志

線天磧地寬萬里服耕墾雪苗滋塔哩

同語謂黍曰塔

哩

風蔓芳喀袞

瓜丹榭餐屯車奇蜜登

禁苑

奇石蜜食綠葡萄種急呼為奇蜜會移植禁中

貢金麟褒成

同部貢金鑄麟趾裏號肖麟

趾五

奉寶騰格算

同制錢以百普爾為一騰格平定後加鑄乾隆通寶於面而其幕附同字城名

大蠶

圖克攀

圖克瑪尼同語謂大蠶旗

重器噶愛篆

唐回銅器篆有噶愛字

陀犁繡史書

克回史

阿渾敬經典

通經典者

玉圭噶嚕匝祝嘏善稱引

同玉圭旁

行篆吉語噶嚕匝屬元

即今上風郵花門樂恬宴紀歲摩和

爾一歲一環轉

同語謂印日庫和爾篆文紀年閱歲遞加之

年班列燈筵

伯克翰觀賀正率

與庭

舞技按琴管

同樂琴日喀爾奈管日巴拉

更以祖國名新

簡宴

命于燕饗兼設

更以祖國名新

鐫哈什

玉產

同制刻年分于玉次紀祖國相傳名自派噶木巴爾至今凡一千二百有四年本年製玉獻祝

萬壽卽用此式

誦膝效捧觴吉語臚歡悃

本年哈密郡王品級額爾德錫爾率各部

落汗王子弟伯克台吉等

至山莊並詣京慶祝

恭惟

大皇帝

壽齊阿思滿

同語謂天曰阿思滿

安南冠裳襲慶頌

昊天錫貺佑順我

皇威埏溟微化晝炎荒虞都明宅周制蠻方錫圭示寵偃伯徵

祥用輯

聖武定功煌煌

仁義中正微彰柔剛

用兵貴決先幾乃易象介石貞吉之道見御製四知書屋記

交南舊邦拜封

鼎卜五世其球十王典屬

安南黎氏自順治十七年歸化百三十年來凡七世十王維

帝承

天裁培傾覆

恩洽懷新義申舍服仇爾婚媾

黎阮世爲婚媾一居黎城一居廣南素無統屬歸我臣

僕

天垂遠燄

聖廣亭育

安南始末詳見御製書事記文

臺崇昭德

鎮南關內昭德臺與關外仰德臺對

關啟畏天

入詞詠柱右要路

已搯銅柱不

下樓船沙縈白鶴

江名在三帶州

霧刷朱戴

漢交趾屬縣

來蘇江

黎城東廣北境

順化城

順化府轄順州化州

連居風

漢九真屬縣今清華府

瘴息比景

漢日南屬縣暉

延維十三道

地有東西都分十三道

慎守聿虔

帝有恩言俾宅維鎮肇造圖寧克恭表信

綸綽大文吉祥新印

命撰敕書鑄吉祥金塗印於和殿前頒賜齋回宜

封阮光平爲安太

南國

上爵爾膺崇班爾晉固爾疆圉職爾貢覲

寵命載綏屏藩丕振

爰表方物有徠族親

上年遣其姪阮光顯貢表貢乞恩蒙賜覲於山莊

嘉讌入繪

安南戰圖末繪光顯人覲賜宴之圖

賚子迭申崇封世賞逮爾子身

恩封光平長子光緒爲世子奉朔奉

詔萬里陽春

光平懇正並一體

頒時憲書本年元

三沐瞻

藻

御製詩章以賜

九拜頌

仁矢心敬闕稱

壽世臣奉表有云聖天子天生至德位祿名壽兼而有之
今逢八旬萬壽同劾華封之祝實爲至願優詔許

壽世之臣允賓于國

見待以賓禮諭督撫相謁

帝威儀近

聖顏色

瞻觀時

天顏昨穆僅似五旬之語

卷阿獻歌

親攜樂人演所

進祝章捧觴上

撮詞十

滑露

賜食章采殊榮冠裳奉則

光平乞遵

天朝衣冠

天朝衣冠

特賜

色蟒袍四圍龍補服復

申命到

朱邸亞班

命班

特賜

紫微捧極襲慶延

恩願祝

萬億

朝鮮集範

惟天陰隲下民惟

皇建極曰

念用庶徵

本年寶以副

御製八徵耄念之曰八旬開表之慶

予攸好德斂時五福而康而色以爲天下王王道正直

皇極之敷言膺作

聖

御製寶記有云一日萬幾未形智衰不可不自勉

天乃錫禹洪範九疇于

帝其訓六三德又用昏不明

六帝登八旬者三梁武宋高尤爲失德惟元世祖差賢見

謀及乃心曰憂曰康寧

御製讀洪範論不能去三日憂王之義謂爲君者勉守先憂庶保後樂

省惟歲日月之行土爰稼穡曰休徵百穀用成既富方穀歲月

日時無易汝則

錫之福

又曰 記文云民物之養不可不心存 敬念庶徵卽皇極敷錫之福

謀及卿士卿士惟

月人之有能有爲人無有比德卿士從俊民用章又用明

明作哲而邦其昌無偏無黨有猷有爲于其無好德惟辟作

威八曰師彊弗友剛克是之謂大同歸其有極王道蕩蕩王道

平平于汝極錫汝保極是訓是行相協厥居敬用五事庶民惟

星協用五紀

天子作民父母

身其康彊嚮用五福

皇上慶得五代同堂因增書五福五代堂額並鐫五福五代堂古稀天子寶

仍以嚮用五福爲副

家用平康彝倫攸敘時人斯其惟

皇之極用敷錫厥庶民子孫其逢吉

上年 恩諭朝鮮國王 李祘俟得有子嗣卽奏明

冊爲世子茲奠本年六月得子乞暫緩冊封表稱以大堯
壽富多男之盛寓洪範敷錫庶民之意願待其稍長以永方來
之福皆我皇上惟辟玉食無有作好朝鮮貢觀以時本年
生成萬物終始之意惟辟玉食無有作好
呈進恩諭賞收並准以近正貢外復備物先期
作次年萬壽正貢

天子之光遵王之道八庶徵用靜吉曰雨曰暘曰燠曰寒曰風

曰時

記文云雨暘之時不可不常念又曰念庶徵卽所以念萬民

九五福一曰壽

皇則受之

南掌進象詞

丹徼炎荒有越裳遺裔今之南掌

大清一統志南掌古越裳氏也

久矣鞮鞻

載在周官籍上誰識文身酋長刁線歹會通來往又何事宣慰

羈縻中疏蠻國歸嚮

明永樂中刁線歹入貢始置軍民宣慰使後不復至

聖朝天廣一從叭猛花夷使初謁

仙仗金冊呈函特地瑤階投類

本朝雍正八年部長素馬喇
薩遣頭目叭猛花奉金表入貢

萬里都歸馴養申呶嗚一心虔仰猶然是獻雉餘風朝天人解

騎象 萬年款

十年例貢

皇恩許

南掌貢道遙遠乾隆
七年定爲十年一貢

百獸前頭舞熊熊南極壽星明輝

映瑤光齊吐洗經香海來經重譯闕到中華土

太平真象憑看取品料鑾儀所騶虞

仁育上林多未要搗家

南掌老搗夷民
俗呼爲搗家

調拊毼巾領飾珠璫耳

玩七就朱纓組

御街行

崇班金馬門前曳韶箭兩階排比五色香烟百花瑤輦早入昇
平圖繪真依象魏見象與人馴人知象意舞蹈蠻奴懷風上慶

大皇帝

本年南掌國王召温猛遣陪臣叭整烘等
賚蒲葉表文一道子象二隻虔申祝悃

大皇帝壽無量備

威德更備

福祥之至名馬文皮生犀翠羽遠物何曾稱貴生生世世願咸
若駢臻咸寶集瑞

萬載清寧

表文云遣使叩慶伏願
玉燭萬載清寧使小臣永荷渥澤云云

大皇帝常調

萬方呼

萬歲

齊天樂

緬甸金葉祝辭

臣聞炎皇治壇際日月之表軒帝推筮登甲子之鴻希風漢代

三歌稱主長壽徵典唐宮九奏演佛大乘伏惟

大皇帝萬歲萬萬歲

廣大宅中

駿麗服遠無私覆私載私照山海諧諧正同軌同文同倫蠻夷

戢戢遘上滇池之使乞通驃國之朝乾隆五十三年 恩准

種呼十緬緬族有得楞普游香焚阿瓦王所居城中路進八關

緬境有銅壁鐵壁馬渡金沙江對阿上在昔新街翰款會來祝

髮之人乾隆三十一年新街受降各頭目遵制薙髮御至

今錫刺緬兵護邊不擾邦牙即元邦之籍西孟養北孟密其地

孟養北至孟密爨奴之箐落無驚大昭祿小昭綱緬俗稱宣慰

目為昭酋長則箠鞭可使悉吐噲吐噲無一生之衆為噠喇噠

猶言公諸部之尊天迴氣候摩勒知春土告豐腴野蒲消瘴處

處屋廬舟筏漫稱漢三彝七之風家家茶市鹽錢兼擅四莊五

苗之利

緬用貝數一貝爲莊四莊爲手四手爲苗五苗爲索

聚如鳥雜奇到象花

地產奇異花象

本年

呈進 洪惟

中朝大順從來武不勤兵異域來同益信

仁能馭外幸附

天庭之職貢適逢

帝壽之洪延偕種人香花蠶鼓

緬制以八月十五日盛陳香花蠶鼓爲朝會節

北面而

祝

長生遣把事錦衣革鞮中國而瞻

至聖

本年差心腹頭目便居未駁等赴京叩祝表文云願大皇帝壽如山海萬年吉慶云云

恩光如暘谷日升

臣

躬受卜刺浪

緬人呼其王之稱

之號

本年封孟隕爲緬

甸厥王

福德比恒河沙算佛說獻坎扒窪

本年呈進萬壽佛經名

之經仰企

形墀俯呈金葉無任歡呼忭蹈誠感誠頌之至

金川番鼓吹曲

吐嚙番居西域遙山行鳥道水繩橋

天家新得降人用

四川甘肅各住牧屯練降番屢經從戰立功獲備天朝勁旅

樂府休誇

蠻子朝

生成身手練精疆萬衆都教隸護羌勇解擒生知擒賊報

恩特許就戎行

鳴鉦搥鼓從官軍諸堡爭先束矢勤憑仗

皇威占得勝紅旗高掣陣前雲

俊鶻攀山越嶮重令行苞枿翦戈鏃千家板屋辭金塔

肅州金塔寺

十日烟塵埽石峰

四十六年從勦石峰堡逆回

河上箬醪洗甲來樓船萬里次平臺

五十四年從勦臺灣逆匪

西人膽壯爭

飛渡又築鯨鯢海上回

巴圖魯錫効忠身

授散秩大臣四川土守備穆塔爾加贊巴巴圖魯屯練守備阿忠

加扎克布巴圖魯等號第賞論功

寵命新何幸邊方備材武也隨畫像入麒麟

命入紫光開圖像之列並

製贊

累世長官承號紙先春土舍觀年班

各土司世受例輸覲本年

國恩遵旨命七

月內同回城伯克給驛來京

時平遠寨安無事歲歲貔貅隊裏閒

都京蠻館集鱗多獻費虔揣蕃目羅榮奉

至尊翔慶輦凱歌新譜

萬年歌

臺灣生番渡海謠

臺灣平內山傀儡收蠻兵薩鼓宜

鐵響器以繫手腕

響敲丁丁鴉管教

冊書左行

習紅毛字者曰教冊削稿毛管注墨橫書

箬箭囊鐵鏃藤弓絳芋繩飄飄

麻達

番人之捷走者插姓尾於首

雙雉翎伊珊頌祖語

俗有頌祖歌謂祖曰伊珊

礁巴勸

番名

有番以祖父稱名遞傳為姓有甲礁巴乙礁巴之稱

還家語疊腰眉聲

腰眉勇往自負之謂

臺灣平番車伊軋牛畊春做田密咒其斗寅

番語謂年

沙螺麻輓鎖

米登竹園起向

謝雨曰起向

謝神雨聽鳥知豐年

俗以鳥卜

黍粒如豆荳

如薪霞藍迦喇巴

編藤竹為籃以供概量

瑯袍卓戈紋

番布為短衣

挽手嘻嘻

樂天民

臺灣平番人敬官如父母花輿竹綵迎左右螺錢

如古貝式輸稅網

袋取

以網袋貯物首戴以行

哨望貓達

竹樓

中社餉出草

捕鹿

後蟒甲

獨木舟

射

魚粉啞酒蠻唱簫按鼻

簫以鼻吹

漢塾書上口

番童肄業經書者曰上漢塾

麻丹

畢

壯夫稱服

王化久

臺灣平番民欣睹

天日光

生番隨同勦平逆匪後屋鰲等社曾于乾隆五十三年臘月入觀茲獅子等十二社番頭目復至京慶祝

萬壽

東南一髮浮扶桑蛟龍窟宅飛帆檣亞班

占風望向者

占風信

香公

迎神者

拜潮王沙更線路娑娑洋

名山麓所謂華嚴娑娑洋即今臺灣

望蟾秋

正好

俗不知紀年每以月圓爲一月獻鹿

壽無央海屋添籌祝

聖皇

呼圖克圖無量壽讚

爾時哲卜尊丹巴呼圖克圖暨噶爾丹錫勒圖呼圖克圖衆於

彼庫倫

所居
廟地聞

國大慶合辭恭敬願以隆教安生正派

乾隆二十一年加封哲
卜尊丹巴呼圖克圖爲

隆教安
生國師

及慧悟智宗

雍正十二年始封噶爾
丹錫勒圖爲慧悟禪師

廣演法輪來至

帝所頂禮我

佛長壽無量眞寶寶相圍繞祝

釐膜拜萬遍而作讚曰

敬禮我滿珠是常喜世界萬佛擁一

佛無量

壽最尊統攝四天下咸悉登壽宇

康疆久御世具足大福力普福利眾生蕃盛而愛樂善思議菩薩乃不可思議塞土黃金色羅漢師峰圍百部諸賢王來蔭如意樹關禽唱梵樂香象

寶輦承

佛所經遊地種種妙莊嚴綵幢華蓋中行至快樂園是爲最勝場大雲吉祥聚

壽佛示現日金殿開九重諸天歡喜緣一一朝宮闕無量壽無

量各滿大願心發願之所宏天地無終極日月長輪轉大衆修

讚頌格隆班第等

扎薩克大喇嘛徒衆曰格隆如僧中受五戒者曰班第同役使者

隨喜叅秘

乘功德無有邊芬郁旃檀聞迦陵轉微妙結無量壽會諷無量壽品無量壽如是非算數可知算數所不知云何供慶祝上奉

乾貺其積誠非一日矣茲逮八十實惟

申錫景禧踧獻之禮必

躬必親未嘗少輟欲得五風十雨用舉

大雩虔申對越久而弗敢懈故以事

天之誠敬心

祖宗之心是訓是行必有其本祇祇乎無敢或踰焉尊藏

五朝冊寶展誦

列祖實錄一一仰法

前徽於薩爾濟之戰而書其事覘

開國之鴻謨而成方畧紀

恩堂之題額而溯其淵源率循舊典而議及衣冠不可改躍馬

不竹齋集卷二
拜孤母忘

家法事事善繼善述斯其大者信乎紹聞衣德以培

國家萬年元氣所爲權輿也

今天下重熙累洽茂登上理

皇帝致治佛時仔肩宵衣旰食罔不惟德之勤德卽政政卽德
顯微無間

樂以天下

壽以萬世所謂適逢其時者歟

殿曰勤政

羹牆得之辨色出

視朝日理萬幾立綱陳紀手自裁答章奏綸綍是慎或

咨詢廷議耳提面命無一事不審其則惟崇大體四方文武臣僚登明選公

睿鑒所周引見官吏賢否清濁立判亦無人而不知

聖心之所運用慎而又慎如此也召誥王敬作所柰何弗敬與公且無逸之訓相發明衛武公作抑之詩夙夜是祇無逸一篇形諸心畫而列諸黼辰

重華宮之抑齋鏡已牖民一以貫之以勵此勤意在斯乎若夫居

九重之上惟務以深仁厚澤宏濟羣生肫然而無不愛如膏之沃浸以醇醲無不滿其量亦有所不知其然而然者課晴問雨扇景澍甘則莫切于時之一字

命直省旬月奏報雨雪郵函所咨訪良用殷然普免天下錢糧
輪輸各省賦稅鏐租漕精藏富在民偶遇水旱發

內帑賑恤以振其乏宮功馨鼓物給價工給值晦服紈牛戍己
告豐今一視郡縣屢綏普遍

聖人對時育物無一夫不與被

聖人之澤萬姓樂業俾穰穰綏

壽有孚惠心勿問元吉何其益之大也願惟

聖作明述擴之而範圍今古或因時而定制事有其義不尙虛
文敬念

右壇爲祈報之所用是選擇精粃既琢既追歲舉

耕藉之儀式副彝典

宗廟之制名物器數之具俎豆斯陳增祀

歷代帝王升歆議禮其準古遷廟觀德遺意隆禮

先師孔子奕奕新廟易覆黃瓦犧尊象尊物有其容

躬詣太學行釋奠禮修復辟雍園水之制遂

臨雍以落成焉若其玉

寶設交泰殿中定爲二十有五載觀禮器及鹵簿儀仗輦輅粲
平具列圖以臚之樂器以象聲容以復古罇鐘中和大備球琳
其質以命磬叔朝會燕饗其他諸樂以次釐正象舞雍容而志
美是以鞞鞞新歌花門小部秩如彬彬如蓋嘗深維大順大同之
化制定于一時亘古今而莫不仰焉隆規鉅典咸秩孔修穆乎
禮樂之繽紛也至若敷陳治道必直

聰明睿知之資立德立功立言囊括貫弗而理臻其極

帝王之學天下之文章胥于是乎繫凡

御製詩文超神入化積有成編厥數無萬輯四庫全書分四處以度之文淵文源若津若溯皆有精義

敕幾之暇亦時御丹鉛詳加推覈嘉與海內學者分爲三類以廣考索之助俾永其傳乃歲時

經筵講學尤切于尋繹約文申義曠若發蒙卽以書法而言灑爲

奎翰垂範墨池煌煌

御書化工之所爲莫不矩矱天成罕有及者近因閱石鼓文而新爲十鼓篆籀之蹟視古人所不能讀者有加焉猶復表章經

術搜羅才俊廣途銓士特榜興賢是以闕者胖樂越百歲以扶
鳩承德府烏魯木齊學校既設萬流景附非徒博右文之名將
以納方俗于會極倬爲章于

壽考久道化成喜值文明之晝所繫不愈重乎哉

皇清荷

天之龍函括萬邦版圖旣綜隸屬國震警承令豈更樂于用兵
擴土兼遠之不已然

帝王之福順

天者昌武成九次德威並耀猶雷霆霜雪之於

天振肅庶類導氣之滯有弗得已耳前平定金川以救僭拉順
則撫之準噶爾平

兩朝志竟朝四部落之衆慕義斯至而有土爾扈特全部歸順
之事蓋無一蒙古之非我臣矣若夫定全回道通縑馬後平定
兩金川凡經大小數百餘戰靖彼蕃徼至臺灣全部平定永奠
海疆安南之事斯則不勞師而寧衆緬甸歸順一心信嚮函貝
葉敬上

無量壽此固

皇天助順而號令行于萬里決幾于午夜之密勿

大君有命致此豈易得哉

皇帝展義示度而必先之以水土之政於樂南國莫大于河工
詳議築塞胥待

躬親履勘指授方畧浙西地瀕海作塘捍湖南埤北漲諸形勢

以次就治東嶽爲五嶽宗五臺按方嶽峙天中嵩洛聞呼者三
陪京甸服形勝之選所在周察民隱行慶施惠嗔嗔羣生藹然
親愛于山川清晏之餘熙熙然相忘于無所事事故凡額手而
祝

大齡者合中外爲家同遊春臺化宇與太古侔豈循蜚疏乞時
所爲者耶爾乃吉祚大來

五代同堂兆千億以蕃盛瓜絲踈麟振其趾雖文王不得尙之
福彼蒼赤五世曾元不一而足仰

聖祖之徽猷設席肆筵國之耆考式燕且喜遠至開闢之所未
賓圖于王會如今日者咸徠獻

壽景鏤哉箕疇五福以斂錫厥庶民八之

念徵

寶于有德是謂承

天之祜繼自今

萬歲添籌歲萬又萬積萬乃無算蓋不可殫述矣

皇上八旬萬壽頌

謹序

歲庚戌秋八月恭遇

皇帝八旬萬壽之慶

乾元合撰

泰筴延洪轅

億紀之昌辰躋萬方于

仁壽于時嶽輸川效鱗集鳧趨殷頌

帝廷獻羣情以祝

曼羨自炎羲巢燧以來罕邁斯盛且嘗讀易至繫辭八章曰大
行之數五十王弼說以五乘十推而演之爲萬有一千五百二
十爲天地自然之數我

皇上誕膺寶籙馭世久成凡今適五十有五年紀元逢十之成
數卽

聖壽逢五之中數

聖壽逢十之成數卽紀元逢五之中數以易圖演之萬億京垓
稀有隸首不能算摩醯首羅不能知者顧數寓于理之中理則
以

聖德爲致福之由致治之本懋千古莫並之德斯克臻千古莫

並之壽臣得臚舉其大焉帝王之德莫大于敬

天我

皇上凝承

昊綽鴻貺

每遇

郊禋大祀歲必

躬親典禮洽于

心齋升馨達于盟薦定

常雩之儀禱雨告風之版虔申告越久而彌以作肅是以敬

天之壽壽萬寓也帝王之德莫先于法

祖彝章成憲厥惟

聰聽尊藏

五朝冊寶展誦

列祖寶錄創業之艱誌以方畧

貽謀之凜紀于相楫蓋事事善繼善述而不顯弗忘是以法
祖之壽壽萬世也帝王之德莫要于勤政

皇上帝旰親勞

臨御之殷咸以勤政惕勵

行健自彊作所無逸故頌象魏而熙績灑

丹諭以亮工畫接臣僚函答封牘從容中道而務要于幾康時
敕之一心是以

勤政之壽壽仔肩也帝王之德莫重于愛民我

國家運際重熙久
韓康阜

皇上周恤民隱
劭農則

躬藉嘉畝
孚惠則

覃詔春祺四免
丁糧兩蠲漕糈時膏
廬於晴雨歲獲興於邊屯
猶且寬征緩賦施帑濟乏
數贏萬千而不少靳宜乎
海內藏富穰穰皞皞之胥
得是以

愛民之壽壽氓庶也
帝王之德莫盛于文章我

皇上緝熙典學以典謨雅頌爲宗

文積千餘

詩編五集備極立言之軌而于

經筵講學

御諭特宣三館之

訂釐七閣之儲弄美富具仰旁及切音字母祕藏經禪兼綜貫
洽姚思妣命何以喻是是以

文章之壽戴光于昭代也帝王之德莫彰于勲業
皇上智勇天錫事燭幾先威燁化外定準回而揚

光烈蕩金川而靖邊陲臺海平而增覲社番緬夷歸而遠來驟
使南交藩服襲冠帶而佩

新恩西極遠人頂金經而瞻

壽相彼禹征湯誥泰誓常武所鋪張俱僅在中土而未如我
朝拓疆二萬里之遙底貢于百國之衆也是以

勲業之壽廓于八鴻也帝王之德昭以典章

皇上定禮而圖器聿新正樂而中和大備陶匏尊俎煥古澤也
罇鐘特磬鬯元音也重道則正色絢于宮墻

視學則三雍脩其園壁新車攻之十鼓駕南國之

六巡中嵩東魯臺麓析津以及鎬京作屏蘭塞脩獮靡不上儀
之煌煌焉而且第官籍重營制具有式程是以

典章之壽燦于金石也帝王之德溥以恩澤我

皇上錫行葦之冠蟬振勳舊之世廕推封賁

恩綸之寵蒸土與

特勝之賢河海則萬戶安恬陬澁則八方仁壽臣三千之耆艾
也家二百之曾元也駢祉襲蕃庥和景集是以

恩澤之壽壽于瀛壖也德如是其至壽如是其固有非彘彘之

詞所能摹繪萬一者矣

臣 生身

闕下早被世

恩際茲敷天抃舞之時奚以効微闕于寸管敬惟

皇上慶輦自

仙莊還西苑實以庚申之月而

大駕還宮又以八月庚申傳有之庚庚吉瑞寶藉以下

皇上萬年之祚矣敬製頌三章以獻

皇帝萬壽

萬壽如

天天大圓兮日就星拱占雲指斗周紘挺兮萬化俶瑞玃牒淵

竊九譯連兮

仙莊詆蕩巖館都福肆觀闡兮庫倫西禪頂禮無量祝

洪延兮四十九旗雁臣供讌飫芳筵兮西海四部繅英獻賚匭
甘駢兮箕封陪隸五福衍

壽來朝鮮兮交南新藩面

闕踰舞禕衣冠兮南掌馴象象呈太平集文身兮朱波瀛裔驃
人擎跪賀

至尊兮土轄翺依自彼氏羌履重趺兮臺嶠番社星渡雲漢識
尊親兮王會職貢式

化涵

澤普瞻

天兮

皇風邈洽慶增積朔

萬萬年兮

右

仙莊集慶頌

皇帝萬壽寶籙祥應展鴻御兮日次角亢壽星輝躔迴

鸞輅兮佇月天上八寶圓鏡秋中遇兮七辰吉程廣仁廣燿天
門路兮

駕臨御苑園面歡喜

文囿豫兮

巍巍如山西嶽開翠霞城護兮香阜孱顏九老合相蓬萊住兮
萬壽仙登鳴鹿在岡湛萃露兮層陵玉泉長生丹砂金汞布兮

福海中央川增方至昆湖注兮琳宮吉祥松栢紀年雲根固兮
九如天保我

皇多益衍歌句兮軒琴犧瑟九奏諧律介雅念兮

帝暢同樂聯茵

雲陛堯尊飫兮

樂以天下

壽以萬世京垓數兮

右

西苑同樂頌

皇帝萬壽

壽合

天人萃寰區兮中外翔躍口億聲一騰嵩呼兮近

天子光稱

聖人壽履亨衢兮仙萸十三金支玉蔭扇榮敷兮

九重間闔交光慶霽晨雲趨兮

太和廣殿儀鸞華蓋延丹除兮我

皇端冕脩齡錫福八徵符兮

仁壽天表珠庭日角穆有愉兮王公宗室

五代曾元聯簪裾兮鈞天鏘韻捧觴起舞耀龍觚兮百辟卿士
拜手稽首抃句臚兮春臺萬眾擊壤贊華溢王途兮四方來賀
受

天之祐維

帝俞兮禮成紀瑞
璣編獻筵闡珍圖兮

皇壽萬萬上軼
驪連暨赫胥兮

右

御殿受賀頌

答叟問一篇嘉慶丙辰

恩舉千叟宴禮成恭紀

太上皇帝膺

萬萬福衍

萬萬壽維初元丙辰
隸乾隆六十年環甲一周
丕增鴻慶爰以

今正月朔戊申

御朝授璽鞶

寶命於無疆之庥越三日辛亥載舉千叟宴于

皇極殿禮隆典備迓

顙禱以訢合馨

懿徽于誠久中外耆頤依

金闕者八千衆茲八千衆之人齒六旬爲及格繫最少者亦丙辰元歲初生蓋閱六十年肌膚之浹聞見之親怡歛于

太上皇帝恒治化光

健履純厚積羨如一日其爲抃躍詣誦情翕譟應殆不問咸知矣厥有仰神契摹大造旋轉鈞轂之中能言其然莫名其所繇然諒哉乎萬物各有初天地無異化開圖挺紀以來期運轅集宜何如旁諏而旅摭之

小臣

稚末幸邁

昌會綜羣叟言援以起義匪第獻歸美報上之虛譽也作答叟問其辭曰

有公族之叟頰帶華組垂佩四襖潢澗若采班冠鵠序授竝成禮接舄瑤屐告子簪筆文學曰子亦知今斯之盛儀喬焯翔霄被堦苞遠初未有之慶紀乎我

聖朝德求發祥朕縣支蕃自

太祖以下十一世奉福奉壽繩繩於後昆派以長而牒以繁也惇敘初宴廣坐聯百

乾清布愷膝二千以敦輯

賜王貝勒貝子公之子孫暨諸宗室金枝四品光戴奕葉矧夫五福五代之堂璇題增之

五元六來寶序承之

望九祿益祥禔駢徵允磐盟所罕遇曷以闡

福緒之方興乎文學曰唯唯茲所具敞肇

天家毓祉之符珍請原基致願博聞諸朝臣朝列之叟曰

皇廿五踐阼誕斟元育寓升格于

泰園讓尊于

仁祖歲謹

三禋迨

耄必親疊忱抱蜀秩祀孔寅茲

康寧之如意通

志壹於潛感夫是之謂以實不以文勵以旰宵篤以

勤敬無逸

克壽絜矩行政農章午牘一字之靡遺時雨時暘八方之僉應
喁喁然欣

郅化之懋臻仰

淵衷惟聖不自聖也子將何以揚淳和而發蹈詠也者文學曰
帝王之治恢萬世綱安而久于其道用汁撰乎陰陽若夫萬口
陶埴羣物通感鄙且徧朝野而廣覽之於是封圻之叟顧而
曰吏職民牧勤敷

德意民籍天府生聚本計

國家承平日久幅員日闢戶口日孳沐

上蒼之豐賜邀

大君之孚惠其乾始能以美利利天下而不言所利耶卽以直
省正賦絜二千九百四十萬有奇歲漕四百六十餘萬額供度
支今

恩蠲全賦者五

恩免全漕者三夫寧一區半稅之得詡美爲况屢歲

巡典沛醴河海舉大

賞賚振給課弛逋貸算衡之所莫計疆吏之所奉宣與斯民莫
不欣戴乎

湛澌也文學曰豈惟是哉愛人利物之謂仁有萬不同之謂富
休養觀成八荒在宥試徵夫變諧漸被絡埏資而普涵覆者焉
則有外蕃之叟進曰卅九旗屬賓隸盟長偕年班陪价舊安新

附環漠瀛而拱向景

威稜之震鑠首金川以造攻煩後先之蕩掃立屯協以懋功載
平伊犁載定默克玉關迤西列城屹業撈壁闐河鑄幣騰格二
萬里以外匪有心于拓域臺員底定外海內山薙髮番社占風
亞班南服交趾敏額于畏天之闕肱車越雉道通夷蠻漢揮唐
驃同時納款花象金塔頂經膜獻廓爾喀部後藏極邊巴都爾
惴伏工輿寶馬旅狝闢駢其孰不幸登職貢之圖入王會之篇
內安外靖遂以揚

武功之十全乎文學曰矜偃武者失之示弱慎用兵者資以止
暴惟夫

聖皇撻伐卜師吉于

四知乃五受俘五受降而永綏乎荒徼自今故弓偃伯罔不遵大同之

聲教矣復有蠻舍之叟曳衿紆履而前曰蒙事瓊席皓首莫貫夫一經撮土詎足以測喬嶽并魚詎足以聽滄溟竊覘文德之覃敷式煥乎亘古

御文集三

御詩集五羣經園雍七閣秘府史鑑昭于

評輯禮樂正于圖譜志典方畧次第脩舉上稟
睿裁一一就範而合彘且也

恩溥作人

特科廣額殊常之

慶臚於六七或第頌者錄以官或耄試者給以職或版受逾格
或公車遊驛蒸蒸僑良興桓鎮迪胥髦士而蒙庥益鼓舞于誦
習惟恧然無以詠歌

壽考之澤耳文學曰臚矣博士執卷業在書詩平居稱先則昔
譚虞如講黃義今垂老躬被類編簡所未窺奚必拘迂道古宜
詰窘于贊辭亦有畿輔農丈禁營老兵蒼顏商旅白髮匠丁還
踵僂拜筇竹衣鶯述太平之盛事什什佰佰騰謹笑以同聲曰
唉小民之生也六十以上上所長七十以上上所養每歲見京
兆府下除租之帖在旗籍則增支季俸與月餉登百歲者見七
代者家有華榻懸閣更捧繡段而加白鏹鄉飲酒行尙齒于賓
僎執醬執饋禮之所由昉邁岐政之恤老稠肉帛之盼賞猶且

訓節儉勵風俗戒竄情籌給足無一夫之不獲登仁壽而暢亭
育以是爲

仁施之無加矣以是爲含醇飲醪之無有涯矣順

帝之則保民之極奚以歸我侗侗儻儻之知識乎維時簪筆文
學聆羣叟之聲壺冲乎其爽怡肅乎其叩企摹揣化光雍容盛
懿而暢申其義曰鄙聞之循貞起元者乾維之所以幹運也慎
終如始者帝圖之所以凝命也原夫無物不有而後開造化無
事不具而後垂世道無德不備而後成聖人無法不立而後通
政教苟能精誠推貫燿寰敷宣顯仁蔽用順彰自然斯執契之
有度提釐之有裕而曷殫其竿于元會章部之數云爾哉伏惟
太上皇帝茂時憲之矩荷

天佑之純

敕萬幾于心罔間一日合羣生爲體不私一身是以弗好文而文謨廣弗黷武而

武烈臻弗矜智能而自

聖弗尙淵漠而自

神蓋雖六十年之久不啻統循蜚合雜因提敘命鴻濛甲子而莫倫矣文學迺更進曰斐亦知夫

太上皇帝屏尊稱仍帝號大義煌煌曷以爲天下告者乎攷師古釋太上爲尊之之詞而又曰不預政事故不稱帝說似是而實非與唐中宗朕若傳位太子卽爲閒人之言厥何以異非所語于

聖

聖之相繼也

太上以丙辰爲皇帝今以丙辰爲

太上皇帝卽以丙辰傳之

嗣皇帝謂上邇

太祖天命建元得國以正垂統必久肇丙辰爲歲瑞可也謂遠
紹伊耆氏授舜亦值丙辰爲萬古禪代之隆規舉無以易也是
則前丙辰爲權輿之肇端今丙辰乃周復之常理彼三代以下
之君治僅幾于小康年未登乎上壽者非時有未遑卽事非得
已不足與言精一執中心法治法之微旨也又况

家國示範誠創非因

君父頤慶備尊益親凡戴穹履輿之族疇不欽爲無疆福壽之
全人也乎於是羣叟愉然扶鳩玉捧珍幣飲
賜筵舞

丹陛進爵無算拜手稽首而退

恭祝

皇上五旬萬壽頌

嘉慶己巳

帝昌五德天運五行軒璣撓甲肇衍

億齡癸始

馨薦丙卜疑承維乙卯秋吉

毓慶定名虹渚誕瑞

壽星輝于長庚儂今己巳五與十乘五位相得天地數盈水火

金木土穀正德利用厚生五氣順布

聖人得一以貞

治法綱維聿先主敬端本

皇躬五事感應

寶殿垂衣靈箴勤政如絲如綸問察交證

天視民視

天聽民聽

心傳曰止仁思通膚聖

威顏咫尺宥密基命恭從明聰百體從令

原誠一篇堯心孔性用其中于民執道之柄

八政教養首重民天

帝定辛禮爲天下祈年載

詠耕織幽雅斯傳不寶遠物地寶豐駢聞河玉擲布忒海珠捐
遠人賓服越南朝鮮球暹緬種職貢來連師武

大勲格苗刈蓮仰酬

訓政中外安全

協紀授時歲功迺作讀

兩郊記文元樞廣博冬夏幹旋如橐之鼓籥應

天以寶通微合漠月恒日升光輪煜燦星拱辰會珠璧躔絡

申誠臺郎數精考索母侈祥占母憑臆度一日二日

萬幾肝宵欽若

翰林十箴

臣惟國家儒術全盛人才彬蔚之時上以誠求下以實應故能仰承恩禮光闡鴻業彼詡稽古之榮者徒囿於言語文章之末者也懿夫臯賡益贊振新耳目典冊頌美史臣職之要其咨傲盈廷文思文命首揚化理聲教之本原蓋際會昌期溯從邃初於

今臻極矣恭逢我

皇上臨御之九年先布

德音命以二月三日

駕幸翰林院一時起家詞館之臣濟濟迎

鑿雍雍拜

詔喜哉起哉盛矣大矣爾乃歌詩錫宴禮洽誼明導以王室之

懿親翊以揆席之耆宿茂典故事莫不祗肅欣幸蹈泳靡涯

臣

持節東國弗獲趨踰執事其間顧瞻玉堂咫尺

天上念自備官柱史躡處北扉習聞我

皇上訓勉翰林之綸言視庶府百司彌勤
誥誠則凡與清華之列者宜何如敬體交修自奮而自進以無
虛此千載一時之

寵遇乎竊忘愚慮撰箴十章恪効箴誦於百官之意云爾

傳心箴一

皇有聖德

天心監觀垂象成化圖書肇端奎主文府頡佐史官勲華代述
綱紀乂安洪惟

大清開國定制建內三院翰林職備

家法心傳迪簡經士典學同文熙績輔世

高宗神聖續緒命新乾隆九年甲子之春

賜幸詞苑崇獎儒紳軒觴鎬詠萬古昌辰萬古昌辰再開甲子
我

皇寵綏

前徵繼軌

鉅業恢恢

一心臺臺咨爾翰臣泰交同喜

論道箴二

道統在上作

君作

師道統在下儒風邈之宜昭

聖則苞括天倪太乙下照斯文在茲尹壽穆成西王威伯鉸時
郭叔播聞曩迹吾

皇淵深心源自得萬物在懷夙夜宥密

春殿文筵六經參討

御論發皇渾渾灑灑左右從臣識綜大小茹古函今莫非
至教母侈幽夙大道恒尊母蹈澆葛古道彌敦元氣冠冕
人倫咨爾翰臣其知道原

勸學箴三

皇作皇子六齡志學

堯庭毓德天縱先覺

丹帷昕晨讀書最樂慎選陪奉典籍揚推迨及

親政允升大猷

幾餘時敏治本數求舊人圖任舊學諮諏八年

初集學海淵流矧乃菽林發聞有自佔畢甫離致身堂陛

仁皇賜榜道德仁藝勵相攸資鑑此四字勿異學擾勿俗學趨

玉琢乃成緇染不渝學優仕優勉經世儒咨爾翰臣弼

帝訃謨

養賢箴 四

科目得人進身之階非賢不乂篤栽者培我

朝策士拜獻踵來六十五榜芸館宏開教設庶常

恩頒廩給習兼國書選徧宗室如假鴻順萃養羽翮始進必端
它途弗入唐豔供奉密宣金鑾未免掾曹祿薄地寒曷如

聖世知人能官名實相副凜凜素餐集賢清祕

天文麗斗書生遭際夫豈云偶虛望神仙達者無取咨爾翰臣
居德宜厚

品誼箴五

士敦行誼砥厲廉隅寧服官者而改厥初

皇朝翰選焜耀簪裾百六十載凡三千徒黼黻

承平扶植名教區區文章奚足爲報大才小才隨質所造前輩
後輩詎襲虛貌廣以器識重之修能風裁自樹結習何矜積崇
物望圭璧同稱爲國致用及時奮興毋競標榜毋假摯援毋負

知遇毋忘微賤立身行道

聖有殊眷咨爾翰臣作邦之彥

著述箴六

文以載道弗尚詞華飛毫騁藻失之浮夸承明待詔須著作家
煌煌體要潤色何加若知制誥博通掌故若奉

起居謹司記注若典史局三長足慕若參侍從起草毋遽以大
手筆爲根柢文豈直方駕相如子雲讀

味餘集伏膺

聖言雍容揄揚懋悅奚云願汰鋪張願納規諷良史清裁內直
嚴重花輒晷移鈴索聲動咨爾翰臣勤思實用

年格箴七

朝廷用人用其所長破除資格留待非常以處新進宜久迴翔
計俸深淺率由舊章官無定員亦無僚屬自安腐儒不辭冷局
一條冰銜清標絕俗累積年勞似遲轉速靜獨躁妄峻耻資緣
樂守恬淡無希驟遷輪班引對

特試甄賢問邀上考

拔擢恩宣

優眷華資與諸曹別更事練材需之歲月循序漸進並躋顯達
咨爾翰臣名高瓊闕

器使箴

八

人各有能用無求備方圓帖妥譬之置器讀聖賢書所學何事
量才授官布列在位例轉坊局升講讀階敢持謬論試御史臺

郎官別調直指外推握符綰綬悉取

上裁最慎選掄衡文之職一網珊瑚三年玉尺天下人才由此
中出皇皇者華取士必得罔違衆議罔涉濫吹疇將冗散好爵
空糜希蹤枚馬接武臯夔咨爾翰臣有猷有爲

廣化箴 九

大鈞鑄物埏埴無私

聖人端拱化行若馳

文明以正德禮兼施民興無慝好協秉彝

敷教

敷言圜橋示準喻義爲先明倫爲本庠序訓行感孚自近中外
大同百穀隨軫

天潢廣肆公族儲英中山子弟亦請授經南交東溟好音環廷
何拘設學伊犁邊垆以暢

皇風以厚民俗尊親愛戴無思不服文物京華彬彬郁郁咨爾
翰臣近

光錫福

右文箴

十

玉河夾岸玉署雙修一堂學士眞登瀛洲

右文之世

恩禮難酬年年望

幸萬歲千秋臥鼓櫜弓河清海晏離照中天卿雲復旦是日風
和春旂

仗轉奉

帝臨軒

鴻儀璀璨樂作進酒禮成

還宮龍光譽處晬藹

天容

御詩分韻引張燕公柏梁摛藻珥筆借從何以揚休

聖揆惟一

一兩朝溫詔

善作

善述何以効忠拜陳無逸咨爾翰臣敬思罔斁

